



Sarajevo, 28.07.2024.godine

PARLAMENTARNA SKUPŠTINA BOSNE I HERCEGOVINE
PREDSTAVNIČKI DOM
n/r Predsjedavajućeg, gđin. Nebojša Radmanović

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO: 29-07-2024			
Organizaciona jedinica	Klasifikaciona oznaka	Redni broj	Broj priloga
01-50-1		1422/24	

Na osnovu člana 166. i 170. Poslovnika Predstavničkog doma Parlamentarne skupštine BiH („Službeni glasnik BiH“, broj: 79/14, 81/15, 97/15, 78/19, 26/20 i 53/22) podnosim sljedeće

ZASTUPNIČKO PITANJE

Koje mjere je poduzelo Vijeće ministara BiH i Ministarstvo vanjske trgovine i ekonomskih odnosa BiH prema nadležnim organima i institucijama Republike Hrvatske i EU kako bi se obustavila izgradnja mini hidroelektrane (mHE) neposredno ispod Vrela Une u mjestu Suvaja u općini Gračac u Republici Hrvatskoj.

Obrazloženje

U mjestu Donja Suvaja u općini Gračac (Republika Hrvatska) početkom jula mjeseca započela je izgradnja mini hidroelektrane (mHE) neposredno ispod Vrela Une. Dosada je zbog nepoštivanja propisa u ovoj oblasti održano nekoliko protestnih okupljanja od strane lokalnog stanovništva, nevladinih organizacija, ali i građana iz gradova i općina u Bosni i Hercegovini kroz koje protiče rijeka Una.

Prema dostupnim informacijama nije izrađena Strateška procjena uticaja na okoliš u skladu s Konvencijom o procjeni uticaja na okoliš u prekograničnom kontekstu (Espoo konvencija), nije poštovana Helsinška konvencija o vodama koja je ratificirana od strane Bosne i Hercegovine i zemalja EU, među kojima je i Republika Hrvatska, a koja propisuje nacionalne mjere i međunarodnu saradnju u području ekološkog upravljanja i zaštite prekograničnih površinskih i podzemnih voda, te drugi međunarodni propisi.

Vijeće ministara BiH i Ministarstvo vanjske trgovine i ekonomskih odnosa, kao i druga ministarstva, organi i institucije BiH u skladu sa svojim nadležnostima moraju alarmirati nadležne organe i institucije u Republici Hrvatskoj, da primjenjujući propise EU i poštuju sve međunarodne konvencije u pogledu zaštite rijeka i okoliša, obustave radove na izgradnji ove mini hidroelektrane, kako bi zaštitili rijeku Unu, njen vodotok i ekosistem koji su proglašeni Nacionalnim parkom na području Grada Bihaća i Unsko-sanskog kantona u Bosni i Hercegovini.

Pitanje postavljam Vijeću ministara BiH i Ministarstvu vanjske trgovine i ekonomskih odnosa BiH.

Odgovor tražim u pisanoj formi, u skladu s članom 171. Poslovnika Predstavničkog doma Parlamentarne skupštine Bosne i Hercegovine.

Zastupnik
Šemsudin Dedić